

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।

लक्ष्मण गज्जाल 'चिलिमि'
प्रोप्राइटर

लाखा छँ

LAKHA CHHEN



सोद्वखुटे, वडा नं. १६, येँ, फोन नं.: ८३६०७५८

थुकि दुने



नेपा:या सम्पदाया ल्याखं "य:मरि"
प्रा. सुवर्ण शाक्य - २

य:मरि पुन्हि
जीतेन्द्रविलास वज्राचार्य - ३



सागय नेपा:या मिसा भलिबलया
उत्कृष्ट ब्वज्या
प्रजीत शाक्य - ६



१३ क्व:गु सागया थी थी लू
पेज ४-५

उपमेयरं यात तिंख्य:या अनुगमन आ: छु जुइ ?

तिंख्य: दुने खंगु अवस्थायात न्ह्यथना: मा:कथंया कारवाहीया निति इनाप यासँ लिखित पत्र हे येँ महानगरपालिकाया प्रशासकीय अधिकृतयात बियादिल । अलय थुगु हे पौ बोधार्थकथं येँ महानगरपालिकाया मेयरयात बियादिल ।

लहना संवाददाता

अकुपाई तिंख्य: अभियान न्ह्या:गुलिसें तिंख्य:यात कया: च्यूता: अलय चर्चा परिचर्चा अप्वयाव:गु दु । थायथासय तिंख्य:यात कया: चर्चा जुयाच्चनेगु या: । श्वलिसें तिंख्य:या संरक्षणय च्यूता: क्यनेगु धे'धे'बल्ला न न्ह्या:गु ख:ला धइथे तर्क खनेदयावल । थव हे इवलय येँ महानगरपालिकाया उपमेयर हरिप्रभा खड्गी वंगु मंसिर ११ गते न्हिनसिया १२:३०ता: इलनिसें २:००ता: ईतक प्रशासन विभागया विभागीय प्रमुख, शहरी पूर्वाधार विकास विभाग अलय नगर प्रहरी महाशाखाया प्रतिनिधिलिसेंया उपस्थिती तिंख्य:या अनुगमन यानादिल । थ:गु अनुगमनया इवलय तिंख्य: दुने खंगु अवस्थायात न्ह्यथना: मा:कथंया कारवाहीया निति इनाप यासँ लिखित पत्र हे येँ महानगरपालिकाया प्रशासकीय अधिकृतयात बियादिल । अलय थुगु हे पौ बोधार्थकथं येँ महानगरपालिकाया मेयरयात बियादिल ।

पतिइ छु धयातल ?

उपमेयर खड्गी प्रमुख प्रशासकीय अधिकृतयात बियादीगु पतिइ तिंख्य:या



येँ महानगर पालिकां अनुगमन समिति दयका: उगु समितिया कजि उपमेयर हरिप्रभा खड्गीयात बियात:गु दु । समितिपाखें थीथी गतिविधिया अनुगमन यायगु व उकिया जानकारी येँ महानगरपालिकायात याकेगु भाला उपमेयरयागु ख: । व हे ल्याखं उपमेयरं तिंख्य:या अनुगमन यानादिल ।

अवस्था व उकिया समाधानया उपाय न्ह्यथनादीगु दु । थीथी अवस्थायात न्ह्यगु बुँदाय न्ह्यथनात:गु उगु पतिइ तिंख्यलय धरहराया चा, अप्पा व मेगु ज्वलंतलिसें हुलाक ज्याकू थुंवलया ज्वलं मुंकात:गु, दरबार स्कूल निर्माणया ज्याय चिनियाँ

ठेकेदार कम्पनीया छ्यलेत सेड दयकूगु व आ:तर्क छयला हे च्वंगु, वीर अस्पतालया निर्माण ज्वलं मुंकात:गु, अनाधिकृत पार्किङ यानात:गु खं न्ह्यथनात:गु दु । लिसें खुलामञ्च दुहावनेगु मू गेट स्यंगु अवस्थाय दुगु, न्हूपुख्या जिर्णोद्वारया ज्या न्ह्याका हे



उपमेयरं सल्लाह धा:सा बी ज्यगु, तर निर्देशन बी मज्यु, दलगत वा व्यक्तिगत खँ मखु, महानगरपालिकाया संस्थागत निर्णय धयागु कार्यपालिका मुँज्या अथवा नगरसभा ख: । कार्यपालिका अथवा नगरसभाय छुं न खँ महयगु, तर पिने पिने थीथी खँ ल्हानाजुइबलय प्रचारमुखी जक जुल ।

- प्रवक्ता ईश्वरमान डंगोल

त:गु चा चीकेगुलिसेंया ज्या यायत डोजर छु य:गु धइगु स्थानीयया गुनासो दुगु, न्हूपुख्या बालगोपाल देग: दयकेगु ज्या न न्ह्यानाच्वंगु खँ न न्ह्यथनात:गु दु । ल्यं ७ पेजय

१३क्व:गु साग : भव्य हे जुल नेपालय



१३क्व:गु दक्षिण एशियाली कासा (साग)या ग्वसा: त:जिक हे यात नेपाल । सागया इतिहासय थीथीकथंया रेकर्ड दय कल थुगुसिया साग । छुं छुं व्यवस्थापकीय कमजोरी न खनेमदुगु मखु । कासाया धल:यात कया: विवाद न मज्यु मखु । छुं विवाद, गुलिं न्ह्यु रेकर्ड अलय थीथीकथंया चर्चा थाय काल थुगुसिया सागय । तर समग्रय खँ लहायबलय थुगुसिया साग त:जिक हे जुल धायमा: ।

वंगु मंसिर १५ गतेनिसें औपचारिक रुप

न्ह्या:गु ख: १३क्व:गु साग । तर व स्वयां न्ह्य: ११ गतेनिसें हे भलिबल कासात धा:सा न्ह्यायथुंयकूगु ख: । भलिबलय नेपाली मिसां टोली बांला:गु हे शुरुवात यात । एभिसि सेन्ट्रल जोन भलिबलया उपाधि त्याकामि नेपाली मिसा भलिबल टिम स्वर्ण हे त्याकीगु आशा दुगु ख:, तर ल्यू लाना: रजतय हे लुधनेमाल । अथेसां नेपाली मिसा भलिबल टिमयात सकसिन च्छछात । थुगुसी नेपाल मार्सल आर्ट, स्वीमिङ, ट्रायथलनलिसें थीथी कासाय याना: ल्यं ७ पेजय



सम्पादकीय

१३क्वःगु सागय् नेपाःयात
ऐतिहासिक सफलता

दक्षिण एसियाया न्हयगू देय् दथुइ जुयाच्वंगु कासाया कुम्भ मेला थौं क्वचाइगु जूगु दु । राष्ट्रपति विद्या भण्डारीपाखें उलेज्या जुयाः न्ह्याःगु थुगुसिया दक्षिण एसियाली खेलकूद (साग) तसकं तःजिक न्ह्यानाच्वंगु दु । हलिंया कासाख्यलय् धेधेबल्लाया नितिं छगू दबूकथं कयातःगु थुगु साग निर्देय् छक्वः जुइगु जूसा थुकियात निरन्तरता बियाच्वनेत थाकुयाच्वंगु धइगु पाय्छि निर्देया इलय् थुगु कासा जुइमफूगु छगू दसू खः धाःसां पाइमखु । अथेखःसा थुगु दक्षिण एसियाली खेलकूदया १३क्वःगु संस्करणतक थ्यनाः सुथालाक्क न्ह्यानाच्वंगु दु । नापं थुगु कासाया मे ला थनिनिसें क्वचाय्त्संगु नं दु ।

नेपालय् दक्षिण एसियाली खेलकूद ग्वसाः ग्वःगु थ्व स्वक्वःखुसी खः । न्हापांगु, च्याक्वःगु संस्करण नेपालं ग्वसाः ग्वय्धुकूगु दु । लिसें आः भिस्वक्वःगु संस्करण न्ह्यानाच्वंगु दु । आःतक नेपालं सागय् न्ह्यब्वःगु ब्वज्यायात दुवाला स्वयंगु खःसा जुयाच्वंगु सागय् न्ह्यब्वःगु कासा उत्कृष्ट खः धकाः धाय्फु । च्याक्वःगु संस्करणय् याःगु ब्वज्यायात नं अभ् परिष्कृत यानाः थुगुसिया सागय् म्हितेत ताःलाःगु दु । च्याक्वःगु संस्करणय् नेपालं मुक्कं ३१गु स्वर्ण पदक त्याकाः तयातःगु कीर्तिमानयात थुगु कासाय् म्हीतिं ४५गु स्वर्ण पदक त्याकेधुकूगु दु । अभ् थौं जुइगु मिजंतयगु फुटबल कासाया फाइनल थौं जुइत्यंगु दुसा थुगु कासाया नापनापं थौं भिस्वक्वःगु दक्षिण एसियाली खेलकूद (साग)या समापन जुइगु खः । थ्व स्वयां न्ह्यः भारतया आसामय् जूगु मिजंतयगु फुटबल कासाय् नेपालं ग्वसाः देय् भारतयात बुकाः स्वर्ण पदक त्याकूगु खःसा थुगुसी भारतं ब्वति मकाःगुलिं नेपाःयात अभ् सहज जूगु अवस्थाय् थौं भुटानलिसे फाइनल कासा म्हितेत्यंगु दु । नेपालं समूह चरणय् प्यंगू गो लं बुकूगुलिं फाइनलय् नं सहजरुपं बुकाः नेपालं स्वर्णपदक त्याकीगु आशा यानातःगु दुसा नेपाःया स्वर्णपदकया ल्याः अभ् अप्ठइगु खनेदु ।

नेपाःया कासामितसें यानाच्वंगु ब्वज्यायात कयाः धाय्गु खःसा थुगुसी नेपालं त्याकूगु स्वर्णपदकया ल्याखं नं कनाच्वंगु दु । अथेखःसां नेपाःया कासामितसें पौडी, मिसापिनिगु भलिबल कासाय् उत्कृष्ट ब्वज्या यायत ताःलाःगु दु । नेपाःया पौडी कासामि गौरिका सिंहं छगू हे संस्करणय् स्वंगू स्वर्णपदक त्याकाः ऐतिहासिक कीर्तिमान तयत ताःलागु दुसा रजत पदकय् सीमित जूसां नं मिसा भलिबल कासापाखें सकसिगु मन त्याके त ताःलाःगु दु । अथे हे, ब्वज्यामि सन्तोषी श्रेष्ठं १०द्वः मिटर ब्वज्याय् छगू मिलिसेकेण्डं न्हाप लानाः नेपाःया नितिं ऐतिहासिक स्वर्ण त्याकेत ताःलाःगु खः । नेपाःया इतिहासय् मिसापिनिगुपाखे एथलेटिक्सय् स्वर्ण पदक त्याकूगु थ्व न्हापांखुसी खःसा श्रेष्ठया नं सागय् ब्वति काःगु थ्व न्हापांगु कासा खः । थ्व स्वयां न्ह्यः श्रीलङ्काय् जूगु सागय् नेपाःया नितिं रजत पदक त्याकूसें कान्डीमाया कोजुं उत्कृष्ट ब्वज्या याःगु खः ।

नेपालय् न्ह्यानाच्वंगु सागय् विशेष यानाः घरेलु कासाख्यः व घरे लु स्वकुमिपिनिगु समर्थन व हौसलां यानाः नं नेपाःया कासामिपिनिगु मनोबल उच्च जुयाः ब्वज्या बांलाःगु खँय् शंका मदु । अथेखःसां नं ने पाः सरकारपाखें अभ् बांलाक्क कुतः याःगु खःसा कासामिपिन्सं अभ् उत्कृष्ट कासा न्ह्यब्वइगु खः । पेस्तोल मदयाः मेगु देसया कासामिपिनिगु पेस्तोलपाखें अभ्यास याय्माःगु, तर कासाया बजेटपाखें मन्त्रीपिनिगु लं सुरुवाः सुइकेगु ज्यापाखें आलोचित जुइमाःगु अवस्थाय् वइगु दिनस ने पाःया थुगु सागय् प्राप्त याःगु ऐतिहासिक सफलताया कायम यानातय्गु नितिं योजना दय्काः कासामिपिन्त सुविधानापं जीवनयापनया सुरक्षा वीगु खःसा नेपाःया कासाख्यः उज्ज्वल जुइ धइगु खँय् शंका मदु ।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिकपिंसं छ्वयादीगुयात थुगु वाःपतिइ थाय् बियाच्वना । पिदंगु च्वसुयात उचित पारिश्रमिक वीगु नं सुचं बियाच्वना ।

लहना वाःपौ

भोछें, यें

lahana.news@gmail.com

नेपाःया सम्पदाया ल्याखं “यःमरि”

जातित्वया म्हसीका संस्कार व संस्कृतिं याइ । किसानीनाप क्वात्तूगु स्वापू दयाः नेवाः एकता कय च्याःगु मरि ‘यःमरि’ खः । यःमरियात नसाया रूप्य् जक मकासे नेवाः जाति, नेपाली संस्कृति व राष्ट्रया हे सम्पदाकथं गौरव तय्माःगु खं खंकेमाःगु दु ।



प्रा. सुवर्ण शाक्य

नेवाःतय् यःमरि पुनिह वल कि मन हे चंचं धाः । चिकुलाया ई । हा फ्वाल्ल वःगु नसा खन कि म्ह हे क्वानावः । यःमरि हायाः बुकीगु छताजि मरि खः । थुकिया बनेट ‘बां’ व सवाः मरिया ख्यलय् गनं हे ज्वःमदुकथंया जू । मरिया ताजिइ हेकेया छता छता नां दु । यःमरिया थःगु धइगु छुं हे नां मखु । संसारय् नां मदुगु बस्तु दुसा थ्व हे छताथें ताः । थ्वयात न्ह्याम्हेसिनं नं धाइगु ‘यःमरि’ धकाः । उकिं थ्व न्ह्याम्हेसियां यःगु मरि जुल । म्हुतुइ हे धानाथें छुं मरि दुसा थ्व हे ‘यःमरि’ खः ।

भूथाय् मरिया बस्तुन तःताजि दुसां गनं नं गनं उकिया आकारप्रकार व दय्काः नयगु तरिका वहे वहे प्रकारयाथें जुइगु । गथे भूसिं चतामरि धाय्गु यानाच्वनाथें, वथें जाःगु मरिया नांजक फरक जुया खने दयाच्वंगु दु । थौंकन्ह्य् ज्वःलाःथें जुइक ल्वय्क न्ह्यथनेगु खःसा ‘पिज्जा’ धकाः दय् कीगु मरिया चहःपहः फुककं चतामरिया हे रुप, रंग, ढंग । थथे हे भूसिं छुना नयगु ‘वः’ नं थाय्थासय् थःथःगु तालं दुगु जुयाच्वन । थथे छ्यलीगु बस्तु गुगु पिनेया नक्कल जूसा गुगु भूगु नक्कलकथं जुयाच्वनी । ‘यःमरि’ धाःसा नं गनं पिनेयागु खनेदत, नं गनं पिनें दुहौंवःगु खनेदत । थः थःगु हे पन । उकिं थ्व भूगु देय्या ‘मौलिक मरि’ खः । भूथाय् थःथाय् हे देसय् तकं स्वनिगःया नेवाःत च्वनाच्वंगु थासं पिने थजाःगु मरि गनं गुगुकथं पिदंगु मदु ।

ममःचित अप्ठःसिनं नेवाःतय्गु नेपाःया नसा धकाः धाइ । थ्व ममःचा थौंकन्ह्य् नेवाःया थातथलो स्वनिगलं पिने व नेवाः जातिं पिने वनाः ब्यापक जुल । छँक्वय् छँक्वय्, ख्यलय् ख्यलय् तकं लोकंहवाःगु पसः तयाः ममःमचा धाधां मियातइगु व न्यानानइगु जुल । होटल होटलय् नसापसलय् ला थ्व स्पेशलकथं हे छ्यलाबुलाय् वल । ममः (मोमो) धाल कि देसविदेसय् सुदूर पूर्वय् व यूरोप, अमेरिकाय् तकं न्यावन । थुगु प्रचारं नेवाःतय्गुनां चवन धाःसां थ्व नसा नेवाःतय्के नं ल्हासां दुहौंवःगु परिकार खः । थुकियात नेवाः मौलिक धाय्मज्जू । यःमरि अथे मखु । थ वगनं गुगु थासंया आयातित मखु । थुकियात सुना नं कुखिने फय्क नेवाःया मौलिकताय् न्ह्यसः दंगु मदु । यःमरिं नेपाःयात जक मखु, जःलाखःला देसतय्त नं नेपाः याना बीधुकल । नेवाःदुने जन्मनिसें मृत्युतक विधि ब्यवहारय् छ्यलीगु नसावस्तु थ्व ‘यःमरि’ खः ।

‘यःमरि’ नय्तकथं जक मखुसे थौथीकथं शुभ ज्याय्, विधि ब्यवहारया चिंकथं, द्यःद्यःपिं नापया स्वापूकथंया वस्तुया मूल्यकथं, न्ह्यवःसा जवलं व स्यनेकने ल्याःकथं अलय् लसताया तिसाकथं विशेष परिस्थितियात कःधानाः पिलुयाच्वंगु थुकिया स्थिति खः ।

भूथाय् न्हियांन्हिथं मू नसा धइगु

हे जाकिया ‘जा’ खः । यःमरि थ्व हे जाकिया अनं दय्कीगु खः । दय्केबलय् हासाथें जाःगुलिं गायाः यइपुस्से च्वक पालिस थकाइगु व लुमुलुमु धाय्कीगु खः । थुकी डिजाइन व थुकि दुने स्वथनेकथंया नसासावाः थकाय्गुली छुं गुगुं नसा विधालिसे ज्वःलानाच्वंगु मदु । थुकिया सिर्जना जूसेनिसें थौंतक नं तूजं छगू हे रुपय् खनेदयाच्वंगु खः । थ्व यःमरिं कृषि प्रधानतायात लुमका ब्यू ।

चिकुलां चिहाः जुजुं वनाच्वंगु न्हि यःमरि पुनिह कुन्हीनिसें भचाभचा यायां ताहाः जुयावइगु धकाः यःमरिया च्वकाच्वकानाप दापूकथं थुकियात ऋतु व ई सापेक्ष यानातःगु दु । मनूया जन्मनिह थुबलय् धकाः क्वःछिनातय् थें थुकिया उत्पत्तिया हुनियात कयाः ईब्यःयात ल्वय्क जनजीवनय् उपयोगिताकथं सांस्कृतिक रुपय् हनेचने याय्गु दिं क्वःछिनातःगु खः । मेमेगु दिं उपयोगिताया दृष्टिं जक छ्यलेगु जुयाच्वनीगु अप्ठः खनेदु धाःसा थ्व दिं व यःमरियागु खँय् नजक नयगुली छ्यलेगु मयासे जातीय सम्बन्धनाप हे स्वाकातःगु दु ।

मेमेगु थजाःगु खाद्यवस्तुया डिजाइन हीकाः, उपयोगितायापनय् हे हीकाः, अवसर हीकुहीकु छ्यलेगु जुया वनाच्वंगु,

अतिकं मार्मिक जू । थ्व खँ, चलन हेके ई, हेके ब्यवहारकथं नालेबहःजू । नेवाःभाव व नेवाःपन थुइकेगु खःसा छम्ह छम्ह नेवालं वाःचाः कयाः सीकातय्माःगु जूगुलिं थबलय्या उगु म्येयात थन न्ह्यथना मच्वना । ज्या व खँया तालमेल, थवथवय् मैत्री व थःत्वभावया म्हसीकाकथंया थ्व परिचयायकगु ब्यवहारिक चलन खः । धाथें ला थ्व सामाजिक एकताया प्रतीक खः । नेवाः समाजया म्हसीका मध्ये थ्व चलन छगू न्ह्यथनेबहःगु, क्वात्तूगु रीतिया इवल्य् लाःगु खँ खः ।

नेवाः छगू शोषणरहित सामाजिक संगठन स्वरुपया जाति खः । नेवाः जाति दुने ब्यक्तिवादीकथंया अहंता व विभेदकथंया मजुसे सर्वपक्षी व मेलमिलापया वातावरण ल्यहेपुयाच्वनीगु खः । संस्कृति धइगु धर्म पालन याय्गु छगू चरित्रबल खः । जीवन विकासया नितिं संस्कृति अभिन अंग खः । मनू मनूया लँय च्वनेत गुलि सक्षम धइगु खँ ईगित जुइगु वया संस्काररुपी साधनं खः । नेवाः छगू आध्यात्मिक व भौतिक समुत्थानया सदभावना सम्पन्न एकताबल दुगु जातिकथं थुगु जातिं नाला वयाच्वंगु बस्तुपाखें उदारभावनायात न्ह्यब्वगु जाति खः ।



नेवाः स्वयम् नेपाःया छगू सम्पदा खः । थुगु जातिया सिर्जना देसय् मूर्त-अमूर्त सम्पदा सम्पत्तिया म्हसीका जुयाच्वंगु दु । थ्व हे इवल्य् नेपाःया गौरवकथं यःमरियात सन्धिधानं ‘राष्ट्रिय मरि’कथं क्वःछीत विशेषता क्वबियाच्वंगु दु । यःमरियात न्ह्यब्वयाः ब्यबहःगु तःधंगु थासय् प्रतिकृति स्वरुप तग्वःगु धातु बाय् प्रस्तरया यःमरि धस्वाकाः ‘राष्ट्रिय म्हसीका’ न्ह्यब्वय्गु खँ अत्युक्ति जुइमखुला ! नेपाःया सम्पदा स्वरुपया उद्भवकथं ‘यःमरि’ गनं मदुगु प्रस्तुति जुइ ।

दयाच्वंगु दने दयाच्वनी धाःसा थुकियात अथे गुगुकथं नं विकृतावस्थाय् थ्यकाः छ्यलबुला जुयाच्वंगु खनेमदु । थ्व छगू सामाजिक सममूल्यगु नसाय् दय् जुयाच्वंगु दु । छँय् छँय् दय्काः नयाच्वंगु नसा सु गुम्हेसिनं नं सुयाथासं लुखा लुखाय् वनाः फ्वं वनेगु याइमखु । थ्व यःमरि छता थ्वया थःगु हे दिंकथं क्वःजिनाच्वंगु दिनय् मस्त ल्याय्महिपं सहितं थ्वःथः मुनाः छँखापतिकं इनाप हे यानाः फ्वं वनी । लोभं, ल्वःवनाः, थःथाय् मदुगु धकाः फ्वगिंभावं फ्वनीगु धाःसा थुकिया स्वभाव मखु । यःमरि फ्वनेगु छगू अलग्गकथंया विधिया चलन खः । जःलाखःला व थःथितिया छँक्वय् लुखाय् च्वनाः लय्बद्ध सलय् थःया भावं जीवनया रहस्य न्ह्यथनेकथं ब्यवहारिक च्यूताः ब्वयाः फ्वनाम्येकथं हालीगु म्ये

जातित्वया म्हसीका संस्कार व संस्कृतिं याइ । किसानीनाप क्वात्तूगु स्वापू दयाः नेवाः एकता कय्च्याःगु मरि ‘यःमरि’ खः । यःमरियात नसाया रूप्य् जक मकासे नेवाः जाति, नेपाली संस्कृति व राष्ट्रया हे सम्पदाकथं गौरव तय्माःगु खं खंकेमाःगु दु ।

नेवाः स्वयम् नेपाःया छगू सम्पदा खः । थुगु जातिया सिर्जना देसय् मूर्त-अमूर्त सम्पदा सम्पत्तिया म्हसीका जुयाच्वंगु दु । थ्व हे इवल्य् नेपाःया गौरवकथं यःमरियात सन्धिधानं ‘राष्ट्रिय मरि’कथं क्वःछीत विशेषता क्वबियाच्वंगु दु । यःमरियात न्ह्यब्वयाः ब्यबहःगु तःधंगु थासय् प्रतिकृति स्वरुप तग्वःगु धातु बाय् प्रस्तरया यःमरि धस्वाकाः ‘राष्ट्रिय म्हसीका’ न्ह्यब्वय्गु खँ अत्युक्ति जुइमखुला ! नेपाःया सम्पदा स्वरुपया उद्भवकथं ‘यःमरि’ गनं मदुगु प्रस्तुति जुइ ।

यःमरि पुन्हि

“त्यःछिंत्यः, बकछिंत्यः, लातापाता कुलिंचां जुसिं त्यः ।” धकाः म्ये हालावनि । थ्वया अर्थ “प्यमना ति निमना ति लाक्वपाक्व कुलिंसां जुसि ति” धाःगु खः । त्यःछिंत्यः धुवा तयाः यक्व यक्व हे सांस्कृतिक भाषिक राजनैतिक जातीय चेतना जागरण बीगु म्ये नं चिनातःगु दु । जनकवि दुर्गालाल श्रेष्ठ “च्वाफि ज्वनाः द्यःला जु, जमु ज्वनाः गुभाजु, न्ह्याम्ह न्ह्यागु हे जूसां नेवाः नेवाः छवाः जु ।”




जीतेन्द्रविलास वज्राचार्य

थिंलाथ्व पुन्हि, मंसिर पुन्हि, धान्या पुन्हि, गौंड पूर्णिमा, यःमरि पुन्हि । थ्व पुन्हियात थीथीकथं धाःसां मुख्यतः थ्व पुन्हि कृषि पेशालिसे क्वानुक्क स्वापू दुगु पुन्हि खः । मुख्यतः नेवातसें भकारि स्वनाः यःमरि द्यु का पुजा याइ । यःमरि पुन्हिया बारे पौराणिक बाखं नं दु । पाञ्चल (पनौती) देशयु च्वम्ह सुचन्द्र धाःम्ह गरीब छम्ह मनु दु । अयूसां व दान, धर्म यायुगुली तसकं च्वन्त्याः । छुहु कुबेर पवर्गिया भेष धारण यानाः सुचन्द्रया थायु पवः वःबलयु साःगु, भिंगु दुथेफुथे बालाक्क नक्कुलिं पवर्गि भेष कया वःम्ह कुबेर ज्ञानगुणया खं कनाः तःसि छाः बियाः यःमरि द्युकाः भकारी तयाः पुज्या धकाः थः कुबेरयागु रुप क्यनाः अनतुं अन्तर ध्यान जुयावन । कुबेर धाःथेतुं हे यःमरि द्युकाः प्यन्हुतक स्वनाः थःम्हं नंयाः दान यासांसिसें भन्भन् भरिपूर्ण जुल नं धाइ । गन गन जाकि चुंया मरि दुने साखः, हाम्वः तयाः द्युकातःगु यःमरि कुबेरयात दान बीगु व उबलयु निसिं जिया वयाः सुचन्द्र महाजन जुल धाइ ।

स्वयम्भू महाचैत्य द्युके न्ह्यः छुनु नमूनाकथं गुम्बज आकार द्युकुगु जुल, थुकी दुने न्यागः आखे ५म्ह बुद्ध प्रतीक खः । थुबलयुनिसिं यःमरिया प्रचलन शुरु जुल धाइ ।

गौडा देसया जुजु प्रचण्डदेव दीक्षा कयाः शान्तिकराचार्य जुयाः स्वयम्भूया ज्योति त्वपुयाः स्वयम्भू महाचैत्य द्युकल । थ्व गौडा देस थौकन्ह्यु कलकत्ताया जःखः लाः । अनं थायुयात पुर धायुगु याः । काशीपुर, शिखरपुर, मेदनीपुर, मेमेगु नं पुरत दु । शिखरपुरयु नं यःमरि पुन्हिया जःखः यःमरि हे आकार जाकि चुंया मरि द्युकाः थुकी दुने नैक्या व साख तइ । थ्वयात पिंते धाइ । सुथयु भिंथायु ब्याचा वः तःथे अन बुयाः प्यकुने ब्यचा ब्वः तइ । अन शक सम्बत माने याइसा सूर्य दिनमा कथं भिंथायु स्वयां छुहु लिपाला भिंथायु २ गते सा अन १ गते अर्थात संलुहु जुइ । तर चन्द्रमासकथं तिथि धाःसा मिलयु जू । अन नं यःमरि किसानत मण्डल, सरदार, नसकार, दासतसें द्युकीसा मेमेगु जाति नं

यःमरियात पञ्च तत्वया प्रतीककथं नं कायुगु याः । जाकि चुं धर्ति, चाकु अग्नि, लः जल, खालि थायु आकाश खःसा, हाव्वः वायु धाइ ।



द्युकु । उमि नं वा दुतकयाः हे थ्व मरि द्यु का पुज्याइ । गनं थ्व अन नं स्वापू दु कि ! थ्व अध्ययनया विषय खः ।

नेवाःतयगु मरिचरि अप्वः धाइथे पिने आयातित खः । व जक मखु, मरिया नां तर्क आयातित खः । थ्व यःमरि नामांसिसें हे भंगु थःगु हे पहिचान दुगु मरि खः । थ्व दिनसं वाया भकारी स्वनी । अप्वः धाइथे नेवाःतयगु परम्परागत मू ज्या धइगु हे बुंज्या खः । वालयु धुंकाः तःसियात बालि पुलि सिधयु धुंकी । तःसिं व म्हयतसें भकारि स्वनाः यःमरि जाकि चुंया गणेद्य, लक्ष्मी द्यः, कुबेर, ज्यापु ज्यापुनी, यक्ष, किन्नर, फैं, त्वावाः देवा, सुकुन्दा कलात्मक वस्तु द्युकाः स्वनाः पुज्याइ ।

कृषि प्रधान जुगुलि कृषि उपजयात हे धनकथं काइगुलिं वाया भकारी जायुकाः पुज्याइ । गुलिसियां धान्य पुन्हि नं धाइ ।

गौडा पूर्णिमा थ्व नेवाः बाहेक पहाडी जातितसें गोठ यचुपिचु यानाः गोठयात पुज्याइ । गुलिसियां थ्वयात गौडा पूर्णिमा धाइ । यःमरियात पञ्च तत्वया प्रतीककथं नं कायुगु याः । जाकि चुं धर्ति, चाकु अग्नि, लः जल, खालि थायु आकाश खःसा, हाम्वः वायु धाइ ।

यःमरि पुन्हि कुहु जक मखुसे नेवाःतयगु मेमेगु नं भिंगु ज्यायु नं यःमरि मदयुकु मगाः । मचा निदैं बुदिबलयु निगः प्यदैं बुदिबलयु प्यंगः, थुकथं खुदैं, च्यादैं, भिदैं, भिनिदैंबलयु दैंकथं यःमरि व ल्वहंचा मरि क्वखायु की । थुकथं मिजंमचा जूसा कयुतापुजा व मिसामचा जुसा ईही मयातलयु यःमरि क्वखायुकिगु चलन दु । क्वखायुकिगु

यःमरिदुने न्यागः आखे तइ । थ्वयात पञ्चबुद्ध पञ्चतत्वया प्रतीककथं काइ । पञ्चतत्वं जुइगु भय कष्ट तरयु यानाः रक्षा याइ । बुरा जंक्वबलयु यःमरि लुइ, म्ह्यायुमचा प्याथयु दइबलयु धौबजि नकः बनेबलयु यःमरि नं नकेमाः । छैंपलिं चीबलयु नं यःमरि, चतामरिं लुइगु, ह्वलेमाः । थ्व पुन्हिसं रत्नकीर्ति महाविहार मखंबहालयु सुथयु फछि यःमरि आगंधः, क्वाःपाःद्यः व तुयू चीभाःद्यःया थायु यःमरिं लुइगु चलन दु ।

थ्व दिनिसें यःमरिया च्वकाति न्हिं ताःहाकः जुयाः चा चीहाकः जुइ धाइ ।

यःमरि द्युकेत लसा दुगु जाकि माः । न्हापा न्हापासा भिंथायुयागु रैथाने जाकि मारिं, तैलिया खः । थ्व हे जाकिया यःमरि द्युकीगु खः । थ्व जाकि छपी बुंइ निमुरि जक सइ । व हे कारणं तःसियात छपीया छमुरि बालि बीगु खः । २०२४ सालपाखे टाइचिन जाकि दुहां वःसानिसे भंगु जाकि तनावन । टाइचिन छपी बुंइ खुमुरिनिसिं भिंमुरि तक सइ । टाइचिन जाकिइ लसा यक्व दइगु जूगुलिं थ्व जाकि चुंया यःमरि द्युकेगु चलन दु । तराईपाखें टाइचिन जाकि कायु थाकु । अनया अनहति जाकिया चुं नं यःमरि द्युकेज्यू । थ्व जाकिइ नं लसा यक्व हे दु । नेवाःतयु थीथी नखःचखःबलयु पवनेगु चलन दु । यःमरि पुन्हिबलयु त्यःछिं त्यः, सिलाचःह्वेबलयु सिं, गथांमुगःबलयु आजु दे हा ! धकाः धेबा पवनेगु, चन्द्रग्रहण, सूर्यग्रहणबलयु गकि, मिला पुन्हिबलयु चाँगुनाराद्यः हनुमानध्वाकायु हइबलयु चाया थलबल पवनेगु चलन दु । थ्व चाया थलबल नाराद्यः हल कि तछ्याइ । तछ्

याःगु थलबल स्वयाः लिहां वने मज्यू विछुक जुइ धकाः थ्व दिनसं नाराद्यः लिहां वनिमखु । थथे पवनेगु यक्व हे चलन दुसां यःमरि पवनेगु छू अलग हे पहः दु । त्यःछिंत्यः पवनेगु नं छू आन्दोलनकथं न्ह्याकूगु नं दु ।

नेपालभाषा मंकाः खलकं मंकाः छैं द्युकेत धकत त्यःछिंत्यः पवनाः वःगु धेबा छकू जग्गा न्यानातःगु व चित्तधर हृदयं दान बियातःगु जग्गायु आः दबू छैं द्युकेत्युगु दु । अथे हे इलयुब्यलयु थीथी संस्थां आपालं मनु मुंकाः त्यःछिंत्यः पवंगु नं खः । थनिं १६दैं न्ह्यः स्वास्थ्य राज्यमन्त्री तीर्थराम डंगोलया पालयु यःमरि पुन्हि कुहु ‘ज्यापु दिवस’ धकाः राष्ट्रियकथं घोषणा यासांसिसें मेमेगु संस्थापाखें व मेमेगु जातिपाखें त्यः छिंत्यः हावनेगु म्हो जूगु खः कि ।

“त्यःछिंत्यः, बकछिंत्यः, लातापाता कुलिंचां जुसिं त्यः ।” धकाः म्ये हालावनि । थ्वया अर्थ “प्यमना ति निमना ति लाक्वपाक्व कुलिंसां जुसि ति” धाःगु खः । त्यःछिंत्यः धुवा तयाः यक्व यक्व हे सांस्कृतिक भाषिक राजनैतिक जातीय चेतना जागरण बीगु म्ये नं चिनातःगु दु । जनकवि दुर्गालाल श्रेष्ठ “च्वाफि ज्वनाः द्यःला जु, जमु ज्वनाः गुभाजु, न्ह्याम्ह न्ह्यागु हे जूसां नेवाः नेवाः छवाः जु ।” थथे जागरणया यक्व यक्व म्ये दु । नेवाः संघसंस्थां थ्व ‘त्यःछिं त्यः’यात आर्थिकरूपं सबल जुइगु, सामाजिक भाषिक चेतना बीगुकथं यंकेमाः । थ्वयात गुलि ब्यापक यायुफत, उलि हे नेवाःतयगु पहिचान, भाषिक सांस्कृतिकरूपं म्हसीका बीत छू धिसिलाःगु नखः जुइ ।

- (क) व्यापारी त्यासा
- (ख) हायरपचेज त्यासा
- (ग) आवासीय त्यासा



- (घ) शेयर त्यासा
- (ङ) मुद्दी रसिद धितो त्यासा
- (च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछैं, पाको, न्हूसतक, यैं, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

राम प्रजापति
प्रोप्राइटर

हारती मिठाई भण्डार
(शुद्ध शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ४२७२९९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।





मध्यपुर सञ्चार समाज्य न्हूगु नेतृत्व



मध्यपुर सञ्चार समाजया स्वक्वःगु अधिवेशन बाबुकाजी साःछें श्रेष्ठया नेतृत्वय् न्हूगु ज्यासना पुचः ल्यःगु दु ।

थिमिइ जूगु ज्याइवल्यु उपाध्यक्ष्य सागर गुरगाईं, छ्याञ्जे सुमन श्रेष्ठ, दांभरि चन्द्रकृष्ण श्रेष्ठ, ल्युछ्याञ्जे पृथ्वीराम श्रेष्ठ, दुजःपिं कृष्णकाजी मानन्धर, विश्वेश्वर श्रेष्ठ, ज्ञानदेव श्रेष्ठ, ईश्वरलाल श्रेष्ठ, जगत प्रजापतिपिन्त सर्वसम्मत ल्यःगु खः । निवर्तमान नायः हरिवहादुर श्रेष्ठयात सल्लाहकारलिसें पदेन दुजलय् मनोनित याःगु खः ।

उगु ज्याइवल्यु पत्रकार दानदास श्रेष्ठयात “शेम्मुडपत्रकारिता पुरस्कार” पाखें हंगु खः । स्वंगू दशक न्ह्यःनिसे पत्रकारिता ख्यलय् सक्रिय जुयादीमह श्रेष्ठ नेपाल समाचारपत्र दैनिकय् १८दै तक समाचार डेस्कय् ज्या यानाः थौं कन्ह्य स्वतन्त्र सञ्चारग्राम साप्ताहिकय् सम्पादक जुयाः पत्रकारिता ख्यलय् सक्रिया जुयाच्चनादिमह खः । मध्यपुर थिमि नगरपालिकाया प्रमुख मदनसुन्दर श्रेष्ठ तथ्यगत रिपोर्टिङ याय्माःगु खँय् बः बियादिल ।

उपमेयरं...

थुकथंया अवस्था भिकेत याय्माःगु ज्याकथं उपमेयरं बियादीगु सुभावाय् धाःसा निश्चित ईदुने तिन्ख्यः दुने मुंकातःगु चा, अप्पालिसेंया ज्वलंत चीकेबियाः खाली याय्गु व उकिया अनुगमन यें महानगरपालिकाया ज्याकुथिं यानाः प्रगतिया जानकारी मेयर, उपमेयरयात याकेगु, चिनिंयाँ ठेकेदार कम्पनीं त्वःतेधुंकाः उगु थाय्यात न्हापाथे हे खुल्ला थाय्या रुपय् कायम याय्गु, अनाधिकृत पार्किङ चीकेबियाः खुलामञ्चय् सवारी ज्वलंत प्रवेश निषेध याय्गु, टहरा दय्केगु सम्बन्धय् अनुमति कयातःगु मतःगु स्वयाः अनुमति कयातःगु मदुसा तत्काल चीकेबियाः खुल्ला हे कायम याय्गु धयातःगु दु । उकिया नापं अनाधिकृत पार्किङ चीकेबियाः खुलामञ्चय् सवारी ज्वलंत प्रवेश निषेध यानाः हुं ईया नितिं माःगु ल्याख्य नगर प्रहरी परिचालन याय्गु, खुलामञ्चया मू गेट तत्काल मर्मत याय्गु, उकिया अवस्था मदुसा वैकल्पिक व्यवस्था यानाः सवारी ज्वलंत दुमकाय्गु सुभावनं दुथ्याकातःगु दु । न्हूपुख्या जिर्णोद्धारया खँय् दक्ष मनुत थप याय्गु, तर डोजरलिसें मेगु मेसिन म्वाःमदय्क छ् यलीगु सम्भावना पनेत राष्ट्रिय पुनःनिर्माण प्राधिकरणमार्फत सम्बन्धित पक्षलिसे सरोकार तय्गु धाय्गुया नापं बालगोपालेश्वर देगःया सवाल्य देगःया पुनःनिर्माण ग्रन्थकुट शैलीइ हे जुइगु प्रत्याभूति याकेत पुनःनिर्माण प्राधिकरणलिसे मदिक्क सम्पर्कय् च्वनेगु व नियमित अनुगमनया नितिं सम्पदा तथा पर्यटन विभागयात जिम्मा बीमाःगु अलय् उकिया प्रगति विवरण मेयर, उपमेयरयात जानकारी याकेगु सुभावनं बियातःगु दु ।

यें महानगर पालिकां अनुगमन समिति दय्काः उगु समितिया कजि उपमेयर हरिप्रभा खड्गीयात बियातःगु दु । समितिपाखें थीथी गतिविधिया अनुगमन याय्गु व उकिया जानकारी यें महानगरपालिकायात याकेगु भाला उपमेयरयागु खः । व हे ल्याखं

मणिसंघ महाविहार क्वाःपाद्यः छँय् जग स्वन



यें महानगरपालिकां बहाः बहीया संरक्षण याय्गु तातुनां जीर्ण जुयाच्चंगु थीथी बहाः बहीया पुनःनिर्माण याय्गु ज्याइवल्यु येंया ज्याबहाः ल्युनेसं दुगु मणिसंघ महाविहार मिखा बहाःया पुनःनिर्माणया नितिं यें महानगरपालिकाया प्रमुख विद्यासुन्दर शाक्य मणिसंघ महाविहार क्वाःपाद्यः छँय् जग स्वनेगु ज्या यानादिल ।

मणिसंघ महाविहार मिखा बहाःया मोतिरत्न बज्राचार्य मुलाचार्य व ज्ञानीराजा बज्राचार्य उपाध्याय जुयाः न्ह्याकूगु पादस

थापना पुजा धुंकाः थुकथं जग स्वनेगु ज्या यानादीगु खः । यें महानगरपालिकां माःगु खर्चया व्यवस्था यानाः पुनःनिर्माण याय् ल्यःगु खः ।

थुगु महाविहारया पुनःनिर्माण ज्याइवः वइगु असार मसान्ततकया दुने क्वचाय् केगु आज्जु तयाः ज्या न्ह्यायत्यंगु खः । जग स्वना ज्याइवल्यु संघीय सांसद कृष्ण गोपाल श्रेष्ठ, यें महानगरपालिका वडा ल्याः २१ वडाध्यक्ष उदय चुडामीण बज्राचार्यपिनिगु उपस्थित दुगु खः ।

नेवाः साँस्कृतिक ज्ञानकोश पिहाँ वइगु

नेपालभाषा एकेडेमिया कुतलय् नेवाःतय्गु साँस्कृतिक पक्षया दक्व खँ दुथ्याकाः छगू साँस्कृतिक ज्ञानकोश दय्कीगु जूगु दु । थजाःगु कोश दय्केत छुछुछुं दुथ्याकेमाली धकाः सहलह ब्याकेत नेवाः समुदाय दुने प्रतिष्ठित बौद्ध व्यक्ति मुनाः छगूपूर्व तयारी कार्यशाला नगरकोटय् जूगु दु । ज्याइवयाः उलेज्या यानादिसें शताब्दी पुरुष डा. सत्यमोहन जोशीं थ्व दक्व नेवाःतय्गु दुयंक

म्हसीका बीगु मुंकेबहःगु ग्रन्थ जुइगुलिं सकसिनं बांलाक्क सहलह यानाः मज्जिमगाःगु खँ दक्व दुथ्याकाः पितबीत इनाप यानादिल । उगूपूर्व तयारी कार्यशाला ज्याइवल्यु ज्ञानकोशया संयोजक यज्ञमानपति वज्राचार्य थजाःगु ज्याय् सकसिनं ग्वाहालि याय्माःगु खँ तयादिसें थःमहं चाःथें उकी दुथ्याकेमाःगु विषययात कयाः खँ न्ह्यथना ज्यापौ न्ह्यब्वयादिल ।

थुगु कार्यशालाया परिचय बियादिसें मेगु ज्यापतिइ नेपालभाषा एकेडेमिया सदस्य सचिव मल्ल के सुन्दरं थ्व छगू अभूतपूर्व मौका जूगुलिं दक्वसियां थःथःगु क्षेत्रया ज्ञान दक्व प्वंकाः थुकियात छगू पूर्ण ग्रन्थ दय्केमाःगु खँ कनादिल । वय्कलं थुगु ज्ञानकोशया प्रारूप न्ह्यब्वयादिलसा एकेडेमिया दांभरि डा. पुष्पराज राजकर्णिकारं नं नुगः खँ तयादीगु खः ।

उपमेयरं तिन्ख्यःया अनुगमन यानादिल । व अनुगमनया इवल्यु खंगु अवस्था, समस्या अलय् समाधानया उपाय सुभावनं वय्कलं बियादिल । थुलितक स्वयंबलय् उपमेयरया थुगु ज्या च्चछाय्बहःजू । तर रिपोर्टिङया प्रक्या धाःसा बिलकुल गलत जूगु खँ धयादी यें महानगरपालिका वडा ल्याः १५ वडाध्यक्ष लिसें महानगरपालिकाया प्रवक्ता ईश्वरमान डंगोल ।

‘अनुगमन याय्गु भाला उपमेयरयागु खः, तर उकिया रिपोर्टिङयें महानगरपालिका प्रमुखयात जुइमाःगु खः, अलय् बोधार्थ प्रमुख प्रशासकिय अधिकृतयात जुइमाःगु खः । तर थन अःखः ज्या जुल, पौ प्रमुख प्रशासकीय अधिकृतयात बिल, बोधार्थ यें महानगर प्रमुखयात’ प्रवक्ता डंगोल धयादिल ।

प्रक्यागत त्रुटि जूगु अवस्थाय् थुगु पौ प्रचारमुखी जक जूगु, कार्यान्वयनमुखी मज्जु दावी नं डंगोल यानादिल । उपमेयरं समस्या क्यनेगु, समस्या पिकाय्गु ज्या मयाःसें समाधानया लँ ज्वनेमाःगु धासें समाधान हे चाहे जुयागु खःसा उपमेयरं थुगु खँ कार्यपालिकाय् छाय् तयामदिल धकाः डंगोल न्ह्यसः तयादी । उपमेयरं थःगु पतिइ बियादीगु गुलिखे सुभावनं थःगु हे सहमतिइ जूगु गुलिखे महानगरपालिकाया संस्थागत निर्णय अःखः जूगु खँ नं वय्कलं धयादी । न्हूपुख्या जिर्णोद्धार, बालगोपालेश्वर देगःया जिर्णोद्धारया अवस्था, अन दुगु समस्या समाधानया सुभावनं उपमेयरं थःगु पतिइ दुथ्याकादीगु दु । आःया अवस्थाय् न्हूपुखू बालगोपालेश्वरया जिर्णोद्धारया भाला यें महानगरपालिकां पुनःनिर्माण प्राधिकरणयात बीधुंक्नु दु । अलय् अनया ज्या अनुगमन व उकिया रिपोर्टिङ यें महानगरयात याय्गु भाला महानगरपालिकाया वडा १, २७ व २८यात ब्यूगु दु । थुगु निर्णयस सहमति बियाः मेयरलिसें उपमेयरं थःमहं नं ल्हाःचिं तयादीगु दु । आः वयाः अनुगमनया भाला सम्पदा व पर्यटन विभागयात बीगु सुभावनं

बीबलय् न्हापाया निर्णय अःखः वंगु ला जु हे जुल, नापं मेपिनिगु ज्याय् हस्तक्षेप हे जूगु ला धइगु नं खनेदत । नापं न्हापाया निर्णय पाय्छि मखुगु खःला कि, खःसा छाय् पाय् छि मजुल धइगु न्ह्यसः नं दनी ।

उपमेयरं सल्लाह धाःसा बी ज्यूगु, तर निर्देशन बी मज्यूगु डंगोलया धापूदु । दलगत वा व्यक्तितगत खँ मखु, महानगरपालिकाया लँ धइगु यें महानगरपालिकाया संस्थागत निर्णय खःगु खँ तयादी प्रवक्ता डंगोल । महानगरपालिकाया संस्थागत निर्णय धयागु कार्यपालिका मुँज्या अथवा नगरसभा खः । कार्यपालिका अथवा नगरसभाय् हुं नं खँ महय्गु, तर पिने पिने थीथी खँ ल्हानाजुइवल्यु प्रचारमुखी जक जुल ला धइगु शंका नं डंगोल प्वंकादिल । लिसें जनप्रतिनिधि वय्धुंक्नु अवस्थाय् उपमेयर थःमहं हे प्रमुख प्रशासकीय अधिकृतयात कारवाहीया इनाप यानाः पौ च्वय्गु नं जनप्रतिनिधिं हे जनप्रतिनिधिंविहीन, कर्मचारीतन्त्र हे महानगरय् स्वीकार याःगु खःला धइगु न्ह्यसः नं थनथाय् दंगु दु ।

१३क्वःगु सागः : ..

४५गुलिं मयाक्क लुँया पदक त्याकाः निगूगु थासय् च्वनेत ताःलात । सागया छगू हे संस्करणय् नेपालं दक्कलय् अप्वः स्वर्ण त्याकूगु धइगु नं थुगुसी हे खःसा नेपालं थुगु हे सागय् मेगु छगू इतिहास नं दय्कल । थुगु हे सागय् नेपालं सागय् त्याकूगु मुक्कं स्वर्ण सच्चि नं थ्यंक्नु दु । ग्वसाः खलः हे जूगु ल्याखं नेपाःया कासामितसें थःगु देय्या नां तय्कत ताःलाःगु हे धाय्माः ।

कासा धलःयात कयाः नेपाल बाहेक मेगु देसं धाःसा आलोचना यात । दिपाः हे मदय्क, भासु छक्वः लेनेत हे ई मदय्क धइथें कासाया धलःयात दय्कातःगु धकाः कासा धलःयात कयाः विवाद नं जुल । उकिया नापं कासाया बजेटय् मन्त्रीतसें थःत लं सुरुवाः सुइकल धइगु आलोचना तच्चयाच्चवल्य सुटिड कासाया नितिं नेपाली कासामितसें

वीर अस्पतालय् विश्व एड्स दिवस हन



विश्व एड्स दिवसया लसताय् येंया वीर अस्पतालय् विशेषज्ञपिं दथुइ प्यानल डिस्कसन यासे ३२क्वःगु विश्व एड्स दिवस तःजिक हन । वीर अस्पतालया ए.आर.टी. क्लिनिकया एच.आई.भी. विशेषज्ञ डा. सुशील कुमार शाक्य मोडरेटर जुयाः न्ह्याकूगु उगु ज्याइवल्यु विशेषज्ञपिं वीर अस्पतालया सर्जरी विभाग प्रमुख डा. किरण श्रेष्ठ, इन्टर्नल मेडिसिनया कोअर्डिनेटर डा. मनेन प्रसाद गोर्खाली, एफ.एच.आई. लिकेज नेपाःया टेक्निकल एड्भाईजर डा. दुर्गा भण्डारी,

राष्ट्रिय एड्स तथा यौन रोग नियन्त्रण केन्द्रया वरिष्ठ जनस्वास्थ्य अधिकृत मदनकुमार श्रेष्ठ, संक्रमितपिनीगु महासंघया नायः राजेश दिदिया व ए.एच.एफ.नेपाःया कन्ट्री प्रोग्राम म्यानेजर दिपक हुंरोलिपिंसं थःथःगु क्षेत्रं यानावयाच्चंगु योगदान व एच.आई.भी.संक्रमितपित्त याय् फइगु ग्वाहालिया खँय् न्ह्यसः लिसें निसें सहलह ब्याकेगु ज्या जुल । वीर अस्पतालया का.मु.निर्देशक डा. विष्णु दत्त पौडेलया सभाध्यक्षताय् न्ह्याःगु उगु ज्याइवः पूर्णिमा शाक्यं न्ह्याकादीगु खः ।

विदेशी कासामितय्के पेस्तोल त्याय् काय् माःगु खँ नं चर्चाय् वल । खि फाय् त्यय् काः छु उलेगु धाय् थें सागया तयारीया इवल्यु नं अजाःगु हे प्रवृत्ति खनेदत । तयारी, सजावट आदिया खँय् लिपांगु इलय् वयाः ज्या याय्गु व अन्तिम इलय् चान्ह्य चान्ह्य नं ज्या यानाच्चंगु खनेदत । औपचारिक उलेज्या जुइ छन्हु न्ह्यःतक नं रंगशालाया परिसर पीच यानाच्चवंबलय् भलिबल म्हितीपिं कासामिपिं मर्गनीगु अलकत्राय् न्यासि जुइमाल । उलेज्या न्ह्यःया पत्रकार सम्मेलनय् प्रेसया नितिं पार्किङया व्यवस्था

जुइ धाःसां पार्किङया नितिं हुं हे व्यवस्था मदुगु नं खनेदत ।

व्यवस्थापकीय कमजोरी जूगु दु, तर प्रस्तुतिया ल्याखं प्रभावकारी प्रस्तुति नं खनेदु । कासामितसें देय्या न्हाय् तपुकेगु नितिं गाक्क मेहनत याःगु नं खनेदत । थःगु वसः, थःगु सुविधा स्वयां राज्य पक्षं देय्या गौरव जुयाब्यूपिं कासामितयुत हुं भवा सुविधा, हुं भवा प्राथमिकताय् तय्गु खःसा निगूगु ल्याख्य लाःगु नेपाल न्हापांगु ल्याख्य हे वय्फइ धइगु खँय् सुयां पाःगु बिचाः दइमखु जुइ ।

हामी नेपालीहरू जुनसुकै क्षेत्रमा पनि काम गरेर देखाउन सक्ने अवस्था छ र सल पनि हुन सकिन्छ । नयाँ प्रविधि तथा क्षेत्रहरूमा हामी जानै पर्छ । मुख्यतः हामीमा प्रतिवद्ध लगनशिलता, आँट र साहस चाहिन्छ ।



नेपाल सरकार
सञ्चार तथा सूचना प्रविधि मन्त्रालय
सूचना तथा प्रसारण विभाग

सांस्कृतिक शहर काठमाडौं नगर

यःमरि पुन्हिया लसताय

सकल नेपाःमिपिन्सं
थःगु मौलिक
कला, संस्कृति व परम्परा
ल्यंका तय्फय्मा धकाः
भिंतुना देखानाच्चवना ।



विद्यासुन्दर शाक्य
नगर प्रमुख

हरिप्रभा खड्गी
नगर उप-प्रमुख

**महानगरपालिका**

काठमाडौं महानगरपालिका

भिंतुना

‘लहना धर्म मोति पत्रकारिता सिरपाः’या दातालिसें थुगु वाःपौया भिंचितामि
समाजसेवी लक्ष्मण गमालया काय्

भाजु **श्रीयल गमाल**या मय्जु **सनी श्रेष्ठ**लिसे जूगु

भिं-इहिपा

लसताय् तिपूजीवन सुथांलाक्क न्ह्याना वनेमाः धकाः
भिंतुना देखानाच्चवना ।



लहना वाःपौ सकल जः

यःमरि पुन्हिया लसताय

सकल नेपाःमिपिन्सं थःगु मौलिक कला, संस्कृति
व परम्परा ल्यंका तय्फय्मा धकाः भिंतुना देखानाच्चवना ।

बाबुराजा महर्जन
९८५९९९५५७५

अग्नी क्याटरिङ्ग एण्ड टेन्ट हाउस

अग्नीशाला, यल



इहिपा, कय्ता पुजा, ज्या जंको, जंको, बाह्रा पिकायेगु लिसें
पिकनिक व नेवाः भवय्या नितिं जिमित लुमंकादिसें ।
जवय् यंकेत लिन्या किस्तिया नं ब्यवस्था दु ।

यःमरि पुन्हिया लसताय

सकल नेपाःमिपिन्सं थःगु मौलिक कला, संस्कृति
व परम्परा ल्यंका तय्फय्मा धकाः भिंतुना
देखानाच्चवना ।



सेमिनार वा कार्यक्रमया नितिं लञ्च बक्सया डोर टु डोर सर्भिस याय्गु नं व्यवस्था दु । नापं स्पेशल कुल्फी व बर्थ डे केक नं उपलब्ध दु ।



Delicious Sweets



विगवब
BIG BELL
Sweet & Snacks Pvt. Ltd.

Kamaladi, Ganeshthan
Kathmandu, Nepal
Tel: 01 4247075, 014244323